

docdrive.com 古籍书城
入駐商家 获取更多电子书
在文川网搜索古书书城


中國方志叢書·華中地方·第四八八號

據明·田汝成撰，范鳴謙補刊
明萬曆十二年刊本

影印

浙江省

西湖遊覽志餘



成文出版社有限公司印行



中國方志叢書·華中地方·第四八八號


據

明·田汝成撰，范鳴謙補刊
明萬曆十二年刊本

影印

浙江省

西湖遊覽志餘



成文出版社有限公司印行



10101940

中國方志叢書·華中地方·第四八八號


據

明·田汝成撰，范鳴謙補刊
明萬曆十二年刊本

影印

浙江省

西湖遊覽志餘



成文出版社有限公司印行



10101939

docsriver 文川网
入驻商家 古籍书城

在文川网搜索古籍书城 获取更多电子书

中華民國七十二年三月臺一版

西湖遊覽志餘

共三冊

發行人：黃 成 助

台北郵政信箱二二六〇五號

出版者：成文出版社有限公司

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第二四三號

西湖遊覽志序

余自結髮慕說西湖之勝神翩
翩逞也嗣得武林田叔禾所為
西湖志閱之其品藻湖山嘉樂
賢達揚扈藝文彰鉅麗而右風
流諸懿美無論乃若媿媿乎偏

安佚豫之規頊頊乎佞倖盤荒
之戒令人俛首歔歔有神州陸
沉之感至其委巷叢談具載不
遺一國之俗釐然在睫則又令
人慷慨起舞病其風之靡而思
所以維之也久之買棹一至湖

上輒按志而索其處依依不能
去迨備員閩中徃來經行湖上
獲寓目者屢矣踟躕四顧益歎
田君之所志甚核第靡由認其
民風為何若耳去年夏余奉
命巡視兩浙疾驅而入武林當兵

民遞變之後湖山黯淡海內結
韜之士相戒引避不肯入而余
適承乏余始從司馬張公謀繼
從中丞蕭公謀問民所疾苦滌
除之而力懲其靡使勿渝焉朝
夕拮据不敢愛其勞即咫尺湖

山未遑一託足而遊今年秋余
既徧歷諸郡弭節武林歲且大
登氓嬉士逸各獲其所忘前事
之慘載觀闐闐之間風亦駸駸
視昔漸醇鮮復靡者蕭公方被
詔留都少司空間携余從湖上

酌酒水光山色倍覺親人余為
公加爵相視破顏謂庶幾復見
昇平嗟乎此一湖山也曩為畏
途今為樂土李文叔謂名園之
興廢係洛陽之盛衰竊疑其言
大而無當今殆然矣余因憶田

君所為西湖志下文學掌故求
之業已漫漶不可讀矣湖山在
目而文獻靡徵可乎於是捐贖
錢檄郡丞喻均校其漫漶而屬
諸剞劂俾後之觀風者采而斟
酌焉則武林之風勿慮其終靡

也巳

萬曆十二禩歲次甲申季秋望
日巡按浙江監察御史江陰范
鳴謙撰

西湖遊覽志餘第一卷

錢塘田 汝成 輯撰

帝王都會

杭州之名相傳神禹治水會諸侯于會稽至此舍杭
登陸因名禹杭至少康封庶子無餘于越以主禹
祀又名餘杭秦置餘杭縣隋置杭州竊謂當神禹
治水時吳越之區皆懷山襄陵之勢縱有平陸非
浮橋緣延不可徑渡不得于此顧云舍杭登陸也
說文杭者方舟也方舟者並舟也禮大夫方舟士
特舟所謂方舟殆今浮橋是也蓋神禹至此溪壑

縈廻造杭以渡越人思之且傳其制遂名禹杭耳
錢塘之名劉道真云唐元和中功曹華信議立此唐
以防海水羨有能致之耐者與千錢來者雲集
俄云不復用矣民皆棄去而唐成故名錢唐世說
又云晉時沈姓者令錢唐詭民致土築唐而錢實
不給至唐時避國號加上十唐改稱錢塘然秦時
置會稽郡錢唐縣而史記亦云秦始皇下丹陽至
錢唐臨浙江上會稽則錢唐非始于晉唐時明矣
考之釋文唐途也錢古錄姓並秦漢間有姓錢者
居此或築堤捍水而遂係之以唐歟

杭地屬吳屬越諸家爲說不同以爲屬吳者淳祐志引吳越春秋所載越王句踐入臣于吳群臣送至淞江臨水祖道又云吳王夫差爲越所敗而走止秦餘杭山又史記云吳王伐越盡取故吳地至淞江遂謂吳越以淞江爲分界以爲屬越者杜佑通典歐陽忞謂地廣記皆云春秋時屬越越敗屬吳東陽王象一本其說謂越唐舊爲越自夫差敗越地始入大縣皆知爲越地而未知分界所在惟太平寰宇記越地云越國西北界至禦兒即禦李本嘉興府志云嘉興有禦兒鄉有水名語水語

與禦通則是一地以爲界二說各有所據
今考之而以爲是定公十四年五月
於越則吳于越也南橋李城又
史記世家閻閭一之越擊之樛李賈
達註云樛李越地據此即樛李南爲越境杭在
其中矣此杭爲越地一也
吳夫差賜之書增其封東至于海南至于
姑末北至平原越絕書作
八百餘里且謂越本與
國則是所封之地皆越也
越書越地註云

docsriver 文川网
入驻商家 古籍书城

在文川网搜索古籍书城 获取更多电子书

語見鄉故越界木名就李即構李吳疆越地以爲
戰地至柴辟亭吳地記云柴辟亭到語見就李吳
侵以爲戰地則吳越疆界尤極分明此杭爲越地
二也若淳祐志所引皆有可辨者其一爲越群臣
祖句踐于湖江遂謂吳越以湖江爲界殊不知是
時句踐方保栖會稽之山浙江以西皆爲吳有宜
其祖道止于江濱也其 謂夫差走餘杭山則謂
餘杭在吳境內殊不知吳自有秦餘杭山姑蘇志
云陽山又名秦餘杭山在長洲西北三十里夫差
栖于此死因葬焉至今號夫差墓入越絕書吳地

記云秦餘杭山云毗以縣五百里近太湖今餘杭
去長洲太湖遠矣豈可以名之偶同發合爲一且
越在東南吳在西北吳王不西北走蘇常而反東
南走餘杭必無此理其一謂楚伐越盡取故吳地
至淞江則淞江之西乃吳地殊不知此句自有兩
義所謂故吳地者言越故取于吳者也所謂至淞
江者言併越原有之地而盡取之也豈可槩以爲
故吳地乎皇極經世以其辭不別白故于楚滅越
盡取其地之下書曰東開地至淞江則是淞江以
西本非吳境乃楚因越地而開者也合是二說則

郡志之誤可以滋然無疑矣

錢鏐字具美杭州臨安人臨安里中有大木鏐幼時
與羣兒戲木下鏐坐大石積麀羣兒爲隊伍號令
有法羣兒皆憚之及壯無賴不喜事生業以販鹽
爲盜縣錄事鍾起有子數人與鏐飲博起嘗禁其
諸子諸子多竊從之遊豫章人有善術者望斗牛
間有王氣牛斗然唐分也因遊錢唐占之又在臨
安乃之臨安以相法隱市中因求其人起與術者
善術者私謂起曰古者縣有貴人求之市中不可
得視君之相貴矣然不足當之起乃置酒悉召縣

中賢豪爲會陰令術者徧視之皆不足當術者過
起家鏐適從外也見起懼及走術者望見之大驚
曰此真貴人也起笑曰此吾傍舍錢生博徒爾術
者召鏐熟視之顧起曰君之貴者因此人也廼慰
鏐曰子骨法非常願自愛因與起訣曰吾求其人
者非有所欲也直欲質吾術爾明日遂去起始縱
其子等與鏐遊時時貸其窮乏及鏐貴辟起爲賓
客

唐乾符二年浙西裨將王郢作亂右鎮鎮將董青曰募
鄉兵討賊表鏐偏將擊郢破之是時黃巢星已散

千攻掠浙東至臨安鏐曰今鎮兵少而賊兵多難以力禦宜出奇兵邀之乃與勁卒二十人伏山谷中巢先鋒度險皆單騎鏐伏弩射殺其將巢兵亂鏐引勁卒蹂之斬首數百級鏐曰此可一用爾若大衆至何可敵耶乃引兵趨八百里八百里者地名也告道傍媪曰後有問者告曰臨安兵屯八百里矣巢衆至聞媪語不知地名皆曰嚮十餘卒尚不可敵况八百里屯兵乎乃引兵還

中和二年越州觀察使劉漢宏與杭州刺史董昌構兵鏐擊斬漢宏乃奏昌爲越州觀察使而自居杭

州昭宗拜鏐爲都團練使尋進鎮海軍節度使頃
之董昌以羅平烏讖反越州鏐擊取之乃進鏐封
爵而錫之鐵券曰維乾寧四年歲次丁巳八月甲
辰朔四日丁未皇帝若曰咨爾鎮海鎮東等軍節
度浙江東西等道觀察處置營田招討等使兼兩
浙鹽鐵制置發運等使開府儀同三司檢校太尉
兼中書令使持節潤越等州諸軍事兼潤越等州
刺史上柱國彭城郡王食邑五千戶食實封一百
戶錢鏐朕聞銘鄧騶之勳言垂漢典載孔悝之德
嘉美魯經明堂褒德策勳古今一揆墳者董昌

亂爲昏鏡水狂謀惡貫深染齊人而爾披攘兇渠
盪定江表忠以衛社稷惠以福生靈其機也氛祲
清其化也疲羸秦拯吳粵于塗炭之上師無私焉
保餘杭于金湯之固政有經矣志獎王室績冠侯
藩著于旂常流在丹素雖鍾繇刊五熟之釜賈憲
勒燕然之山未足論功抑有異數是用錫其金版
申以詞誓長江有似帶之期秦華有如卷之日惟
我念功之旨未將延祚子孫使卿長襲寵榮克保
富貴卿恕九苑子孫三苑或犯常刑有司不得加
責承我信誓往惟欽哉宜付史館頒示天下鏐如

越州受命還治錢塘名所居營曰衣錦城石鑑山
曰衣錦山幼所戲大木曰衣錦將軍

天復二年封繆越王天祐元年改封吳王開平元年
梁太祖卽位封吳越王時有勸繆拒命者繆不納
笑曰吾不失爲孫仲謀竟受命改臨安爲衣錦軍
展飭葦隴旌旂鼓吹振耀山谷童時釣弋之所蓋
蒙以草屋馭鹽擔簣亦裁錦韜之嘆曰焉敢忘本
一隣媪九十餘歲矣攜壺漿角黍迎繆呼曰錢婆
畱寧繫長進繆下車拜之蓋繆生時光怪滿室其
父欲不舉是媪強畱之故名錢安畱也繆既置酒

父老高會男婦八十歲以上者金尊百歲者玉尊
時飲玉尊者十餘人銀執爵上壽歌曰三節還鄉
掛錦衣吳越一王駟馬歸天明明今愛日輝百歲
荏苒今會時稀時父老聞歌多不解音律銀覺其
歡意不洽乃高揭吳音以歌曰你輩見儂底歡喜
別是一般滋味子長在我儂公子裏歌訖舉座賡
之叫咲振席二年冊尊銀尚父去歲二年銀卒年
八十一謚武肅子元權立

武肅王起天微顯西雖曰天授而其才智亦有
過人者在軍中恒修德性而寢未嘗貼席榻置粉

盤夜有所記則盡無一處廢銀九二外以他處舊且
嘗欲廣牙城以大公廢有術者告曰土若改相舊為
新有國止及百年知望築西湖以建府治其前當
十倍于此錢曰豈有千季而天下無真主者乎有
國百年吾所願也即于治所稍增廣之及思懿歸
朝錢氏霸吳越者凡九十八年

元瓘字明寶善撫將士好儒學善爲詩使其國相沈
菘置擇能院選吳中文士錄用之然性奢僭治宮
室天福六年大火燒宮室盡元瓘避之突輒隨
發元瓘大懼因病狂是歲卒年五十五諡文穆子

佐立

佐字祐立時年十三諸將皆少佐佐初優容之諸將
稍不法佐乃黜其大將國中皆畏服卒年二十謚
忠獻弟倣立

倣字文德宋太祖即位賜倣開英鎮越榮文耀武功
臣開寶九年倣率子惟濬等入朝賜居禮賢宅劔
履上殿詔書不名頃之倣辭歸廷臣請留勿遣太
祖不納竟遣之只善保汝國盡我一世足矣乃出
文字一匣付倣曰到國閱之途中勿啓也倣歸錢
唐啓閱皆廷臣請留章疏也泣下曰我何敢負官

家及太宗即位俶遂納上改封淮海國主辭國號
封鄧王薨謚忠懿俶性謙謹未嘗忤物雖身當除
國而享富貴者七十年子孫繩繩比登庶仕允稱
世家

開寶初忠懿王俶遣其臣黃夷簡入見太祖謂曰歸
與元帥言朕已于薰風門外建離宮名禮賢宅以
待李煜及元帥先朝者居之今煜崛強不朝吾已
遣兵往矣元帥可暫來 見慰我延想即當遣還
也忠懿王聞之遂入朝太祖大喜召宴後苑時惟
太宗及秦王侍坐酒酣詔上與太宗叙見弟齒坐

docsriver 文川网
入驻商家 古籍书城

在文川网搜索古籍书城 获取更多电子书

太宗上俶叩頭辭讓繼之以泣方得免俶後入朝
太宗亦宴苑中安儲王惟濬侍焉泛舟宮池太宗
手舉御杯賜俶跪而飲之明日奉表謝其畧曰御
苑深沉想人臣之不到天顏咫尺惟父子以同親
其優禮如此○忠懿王入朝太祖爲置宴出內妓
彈琵琶王獻詞曰金鳳欲飛遭掣搦情脉脉看卽
玉樓雲雨隔太祖憐之起拊其背曰誓不殺錢王
忠懿王時有和尚行歌于市云遠鄉寂寂杳無踪不
挂征帆水陸通踏得故鄉田地穩更無南北與西
東或問其說但云明年大家都去未幾果有納土

之應

武肅王遣使于梁太祖太祖問曰王于國中好何物
使者曰好王帶駿馬太祖嘆曰真英雄也選王帶
一名馬四賜之及忠懿王入朝進寶犀帶于宋藝
祖藝祖頗謂曰朕有三條帶與此蓋不同俟請宣
示太祖唉曰汴河一條淮河一條揚子江一條俟
太愧服二君所見一投其所嗜以羈縻其內附之
心一眇其所寶以昭示宏遠之畧皆用世之智也
歐陽公五代史叙列國云聞諸故老謂吳越亦嘗稱
帝改元而求其事迹不可得頗疑吳越後自諱之